

MINISTARSTVO ZA ODGOJ I OBRAZOVANJE KS

INSTITUT ZA RAZVOJ PREDUNIVERZITETSKOG OBRAZOVANJA KS

JU SREDNJA ZUBOTEHNIČKA ŠKOLA

U Sarajevu , 16.03.2025 god.

PREDMET: ZASTUPNIČKA INICIJATIVA 20. RADNA SJEDNICA

Upućujem inicijativu radi poništenja donesenog novog Nastavnog plana i programa zanimanja zubni tehničar u JU Srednja zubotehnička škola Sarajevo. Navedene izmjene su donesene protiv jasno iznesenih kritika od strane stručnog aktiva iz škole, uprkos mišljenja Stomatološke komore FBiH, i negativnog mišljenja Sindikata. Ovakav doneseni NPP donosi višestruke nepoznanice između ostalog, povećani broj sati za praktičnu nastavu za koju nije precizirano gdje će se izvršiti (kod poslovnog subjekta ili u školi) ko će izvoditi istu s obzirom na najavljeni Zakon o dualnom obrazovanju koji može izazvati veliki broj tehnološkog viška. Nije urađena nikakva stručna analiza koja opravdava ovakve odluke kojima, a koliko se radilo nesistematski i neorganizovano najbolje pokazuje da se nakon usvajanja novog NPP tek pristupilo javnom pozivu za izradu kurikuluma za nastavni predmet Laboratorijska fiksna protetika koji se iznenada pojavio u usvojenom NPP, umjesto da se kurikulum za svaki predmet zna prije usvajanja NPP-a.

Obrazloženje:

Ministrica za odgoj i obrazovanje donijela je Nastavni plan i program za zanimanje Zubni tehničar uprkos negativnim mišljenjima prije svega struke ali i u suprotnosti sa odredbama Kolektivnog ugovora za djelatnost srednjeg obrazovanja. Prilikom procedure izrade NPP koji je prvobitno trebao biti za zanimanje Ortodonski tehničar što se pokazalo apsolutno pogrešno a nakon višestrukih kritika struke odustalo se od tog naziva, te se ponovo bez učešća nikoga iz struke pokrenula procedura izmjene NPP za zanimanje Zubni tehničar. Radna grupa za upisnu politiku Ministarstva koja broji 14 članova koja je donosila NPP za ova zanimanja u svom sastavu nema ni jednog člana koji je iz zdravstvene struke pa je logično da su ovakva rješenja neprihvatljiva za struku.

Neophodno je staviti van snage doneseni NPP za zanimanje Zubni tehničar i pokrenuti izradu kurikuluma za predmete već postojećeg NPP ali i uključiti širu stručnu zajednicu kako bi dobili kvalitetne izmjene Nastavnog plana i programa koje trebaju imati za cilj poboljšanje kvaliteta obrazovanja, a ne njegovo narušavanje.

Takođe mora se izraditi Program za eventualno zbrinjavanje viška uposlenika što sada nije učinjeno a poznato je da će u slučaju da ostane ovakav plan u prvoj godini primjene već biti tehnološkog viška, a u slučaju usvajanja Zakona o dualnom obrazovanju u formi kakva je u Nacrtu, u naredne 4 godine broj tehnološkog viška bi mogao biti i do 20 doktora stomatologije koji predaju stručno teorijsku i praktičnu nastavu.

Radna grupa za izradu Nastavnog plana i programa treba uvrstiti stručno osoblje iz JU Srednja zubotehnička škola što nije bio slučaj. Pokušaj degradiranja vrijednosti ove Srednje škole koja uživa iznimnu reputaciju mora se zaustaviti.

U slučaju da se ne poništi ovako donesen NPP bez navedene procedure i vrlo izglednog sudskog spora sa Sindikatom, postavlja se pitanje ko će biti odgovoran za eventualne materijalne troškove ali i nematerijalne posljedice?

Marijela Hašimbegović dia

Zastupnica